

百

末

詞

序

余以放廢餘生停驂吳市悔菴握手勞苦如平生各有
近詞一帙擬授無言校梓者迭爲序之追惟三十年以
來世事滄桑功名榮落不可勝計獨筆墨之緣少年積
習老而不輟自髫髻至今追隨唱和者同里尚木質生
爾斐寅仲諸君子引爲同調而扁舟過從商榷花間草
堂之勝事者吳門獨吾悔菴耳悔菴古文詞下筆妙天
下西堂雜組首登虎觀走鷄林其所爲詞供奉于內庭
流傳于酒樓郵壁天然綺艷粉黛生妍未許元微杜牧
獨擅風流也余與悔菴齒既肩隨息機近亦相似年且

半百意氣漸平回憶回舫尋春山房聽雨如夢如幻請
從此斗笠枯筇婆娑于支硎鄧尉之間嚙冰雪嚼梅花
槁木形骸懔然悟道則青箱紅豆之纏綿檀板金尊之
婉變皆可一齊放下翻讀平日所作小詞疑是古人疑
吳前身不復記憶則吾兩人當有啗然而自得者况臨
去秋波悔菴早從此證入又何俟余之饒舌耶

康熙乙巳夏日嘉善年家同學弟曹爾正拜題

百末詞目次

小令

十六字令 一首

憶王孫 三首

轉應曲 二首

後庭花 一首

如夢令 五首

長相思 二首

歸自謠 一首

醉太平 一首

醉公子 一首

昭君怨 二首

醉花間 一首

酒泉子 一首

點絳脣 四首

春光好 一首

女冠子 一首

浣溪紗 八首

伊川令 一首

菩薩蠻 一十九首

巫山一段雲 二首

卜算子 三首

減字木蘭花 三首

醜奴兒令 一首

柳含煙 一首

謁金門 四首

憶秦娥 一首

更漏子 二首

清平樂 二首

阮郎歸 一首

喜遷鶯 令 一首

海棠春 五首

攤破浣溪紗 二首

三字令 一首

眼兒嬌 一首

少年遊 一首

西江月 十二首

南柯子 二首

醉花陰

二首

雙調望江南

二首

杏花天

一首

浪淘沙

五首

鷓鴣天

二首

河傳

十三首

鵲橋仙

三首

南鄉子

六首

虞美人

四首

玉樓春

二首

梅花引

一首

踏莎行

四首

小重山

二首

中調

臨江仙

七首

蝶戀花

四首

一剪梅

三首

好女兒

二首

漁家傲

三首

定風波

一首

蘇幕遮

四首

怨東風

一首

風中仰

二首

行香子

二首

青玉案

一首

江城子

一首

千秋歲

四首

風入松

一首

祝英臺近

一首

一叢花

一首

金人捧露盤

一首

最高樓

一首

驀山溪

一首

意難心

一首

長調

滿江紅

十八首

淒涼犯

一首

水調歌頭 六首

滿庭芳 四首

鳳凰臺上憶吹簫

一首

天香

一首

漢宮春

一首

燭影搖紅

二首

聲聲慢

一首

夢揚州

一首

夢芙蓉

一首

玉蝴蝶

二首

念奴嬌

十一首

桂枝香

二首

齊天樂

一首

水龍吟

三首

瑞鶴仙

一首

石州慢

一首

拜星月慢

一首

花犯

一首

喜遷鶯

一首

綺羅香

一首

二郎神慢 一首

歸朝歡 一首

望海潮 一首

望湘人 一首

風流子 一首

疎影 一首

霜葉飛 一首

宣清 一首

沁園春 十七首

摸魚兒 三首

賀新郎 十首

十二時 一首

蘭陵王 一首

多麗 一首

六州歌頭 一首

附詞餘

醉扶歸 一套

宜春引 一套

一半兒

四首

駐雲飛

一首

黃鶯兒

四首

針線箱

二首

羅江怨

二首

五色絲

一首

新樣四時花

二首

駐雲飛

十首

耍孩兒

二首

百末詞 卷一

漢人以百花白草末造酒號百末酒予所作詞亦花
間草堂之末也故以名之

長洲尤 侗

小令

十六字令

夢

春夜夢香龜花影紅無人見啼笑月明中

憶王孫

懷卿謀

秋風嫋嫋洞庭波暮雨湛湛落敗荷數遍相思今夜多
夜如何獨倚南樓一雁過

閨怨

春愁脉脉損鉛華獨自粧成坐碧紗蕩子經年不到家
隔天涯一夜相思楊白花

閨情

一春心事付睂尖小院無人風雨纖落盡桃花倚繡奩
思淹淹燕子歸家不捲簾

轉應曲

春雨

春雨春風花上淚
哀幾許東風吹到紗窗
日日愁來
腸腸斷腸斷又續
新愁一半

中秋雨

秋雨秋雨滴碎瓊宮
霓羽清歌妙舞闌珊
陣陣霜風夜
寒寒夜寒夜寄語
嫦娥睡罷

後庭花

閨怨

綠堦花影翻紅欄
燕語喧明鏡
嫌眉瘦空牀
厭夢煩倚
黃昏東風無賴
又來吹斷魂

如夢令

柳絮

一捻宮腰削素獨舞朱樓深處有意送春歸也向天涯
飛去且住且住爲道章臺日暮

病驪

半似醉鄉情趣半似睡鄉心緒怯怯病中身則待放他
何處無據無據一任西風吹去

戲贈小伶

六幅裙兒半掛八字眉兒半面笑問若耶人何事西施
未嫁長夜長夜爲語新粧休卸

春夢

醉公子曉催起數聲嬌鳥軟立倚郎肩宿黛無心
本意了粗服亂頭都好

何處貪杯酒阮亭雨花圖

扶得和衣睡地玉藥從空飛墜摩詰轉王維天女自然
昭君怨是應證雨花三昧

弔臘

昨夜風鞭雨

正是天寒日簾簾捲西風風捲煙煙寒風雨寒
倚欄

春盡盡哀鴻聽怨蟬愁翬飛暮天

不見落花飛

地下杳無消飛綠上睂山紅上衣粧樓日又西 蝶飛
醉花間向雕簷等伴棲吹簫人不歸

春闈

蘭湯沐湘裙

花冠一笑雨來芳草滿梨花夢去東風懶 惜春人
酒泉子 肢剪流鶯又把閒愁管

離情

月白風清今

君馬上聽鷄中小山閒閒十畝之間與白臨往還 竹

絳唇 一彎新來添設花欄喚紫駝 蓮闌

春夢惘然失

重掃罷了罷

題王愁殺閨中婦尚喜晚還家剛留一盞茶
晏坐袈裟垂冷却鴛鴦被不敢罵檀郎喃喃呪杜康
游戲如是如

長相思梅

捲簾打金屋曉來飄瓦尺土葬鷺衣哭江妃
朝捲簾暮捲暮空谷佳人何處雲鬢惜餘香試啼粧
杆淚闌干聽

春閨絮滿目上風沙雨漂泊可憐人奈何春

花飛飛絮飛
息盼斷
画衣香
舄白日掩青簾
夢江南
飛燕飛飛飛

歸自謠

春思
束懶把鞦韆
蹴儂自理秦箏
郎自歌吳曲
春命短
寒食偏翠袖
三薰足芙蓉
帳底眠春夢
同郎續

倚雕欄
畔腰雙韻

醉太平

山中
夜誰家住去
過長亭接短渡
傍孤城知
山中小園
圍鳴妾也
朝朝早起
剔殘燈
空庭裏
拜三星
枝一竿柳枝

綠陰

夢破簾開隔牆謾謾風聲亂徘徊池畔綠影浮波面
閉鳥藏花收拾春光暗遮不遍新愁一段繚繞天涯散

楊花

新絲排衙問伊何事輕粧卸天斜頰耍惹得黃鸝罵
無主東風來去隨他罷憐今夜落紅偷嫁同宿雕欄下

秋海棠

空谷佳人淡紅衫子天然艷風清露淺脉脉凝啼眼
恰似傷秋倚徙湖山遍憐誰伴重簾不捲有个人腸斷

玉簪花

夢草淒涼漢宮遺下搔頭玉淡粧素束一顧傾紅綠

清露晨流髣髴香盈掬娛幽獨廣寒留宿疑舞霓裳曲

春光好

春閨

掩繡閣鏡臺封鬢雲鬆聊私語小窗中罵春風
整日慊慊沉睡侍兒問怎朦朧却是背人偷搵淚枕痕紅

女冠子

美人走馬

青樓年少走馬章臺馳道倚逍遙急雨桃花滾輕風燕子
驕春芽擁翠髻香汗發紅潮轡兒跑不住抱按橋

桃花燕子

皆馬名

浣溪紗

春閨

日影籠煙小閣明
侍兒初掠曉粧成
畫樓何處又歌聲
故掩珠簾驚燕燕
戲拋紅豆打鶯鶯
晚來獨傍落花行

美人醉

小盞低斟不當羞
粉腮紅暈早堆霞
春風帶雨顛桃花
強對檀郎粧掙挫
慢扶小玉露天斜
和衣睡倒太嬌

些

馬上見

勝袴新裁蟬翼紗錦勒自織鳳頭韉春風不耐碧油車
金步搖飛金勒動玉跳脫裏玉鞭斜滿堤青草襯紅
霞

有客爲王校書索贈漫題二闕其字浣若爲調
浣溪紗其名西也以西字爲韻

聞道王孃舊姓西採蓮重出若耶溪淡粧羞學捧心啼
春水錦帆嬌白紵秋風香徑却紅泥昵郎子夜醉烏

棲坡詩農家舊姓西

家住閩門西復西鳳凰橋上夜烏啼綠楊巷曲回簾低

題
宛轉腰身飛乳燕
聰明性格點靈犀
粉牆拂袖待留

清明悼亡二首

陌上家家挂紙錢
東風客舍淚潸然
難攜盃酒滴重泉
朱戶幾人同插柳
青山何事尚含煙
江南夢繞斷腸

天

少女長安歌
踏春鸞靴翠鞵已成塵
棠梨時候獨沾巾
宮草幾年堆燕冢
土花終夜照魚燈
君王猶自望

昭陵

孝昭皇后忌日
駕幸沙河設祭

題陳其年小影

側帽輕衫古意多烏絲襪寫懊儂歌紅兒解唱定風波
畫中人也翠管吟殘澆一斗玉簫吹破斂雙蛾酒闌曲罷奈
鬢何

伊川令

和花夫人韻

空房夜夜垂羅幕雁柱拋絃索又報海棠零落香徑欲
行還却紅腮枕上羞托知郎春夢繞天涯不肯到鞦韆
院落

菩薩蠻

春愁二首

鸚哥啄碎花鬚落曉風低弄秋千索剛上一重樓青山
又送愁 幾番寒食雨柳絮依人舞春夢晚歸家小池
聞暮蛙

春風婀娜飄簾幙玉鈞踏破花陰薄綠柳舊長堤王孫
騎馬嘶 誤聽新燕語倚遍欄杆午權把淚痕收東君
不解愁

聽雨

雨聲碎滴琅玕竹風聲輕戛珊瑚玉月影又模糊和煙
上鷓鴣屏濕螢游古屋蟋蟀悲秋菊羅帳蕙香殘幽人
曉夢寒

無題 八首

畫簾捲斷珊瑚索繡牀小夢隨風落殘月杏花堤曉鶯
恰恰啼 美人和笑立露葉牽衣濕待得侍兒來粧奩
一半開

烏衣雙燕穿簾舞銜花故墜金釵股陌上柳絲飛錦屏
人未歸 小窗沉晝閉山枕留香睡春夢杳如煙知他
向那邊

竹鳩喚起斜陽夢楊花倒挂金泥鳳獨自摘青梅鞦韆
印翠苔 羅衫薄不綰襯得東風軟一捻小香脂無端
蜂蝶知

花臺日暮鶯辭去暖風吹散臙脂雨春困晚梳頭

不上鈎

亂紅隨地掃又見宜男草半醉倚殘粧花間

待阮郎

梨花帶雨飄香雪亂蛙啼出西窗月庭砌綠陰濃羅衣
惹暮風 画梁新燕乳宿夢呢喃語喚我掩湘簾夜深
清露寒

香蘭笑向銀屏吐小蠻起作迴風舞日靜綠紗空美人
春夢中 簫聲吹月白柳帶籠煙碧芳草滿江南相思
一夜添

疎風細雨和春語扁舟欲載花覓去燕子不歸家盼他

午日斜 落紅一晌顫界破殘粧面收拾護花鈴鸚哥
報壓驚

馬蹄踏遍天涯草杜鵑啼破東風小花落碧欄橋翠樓
紅袖招 斷香隨路宿懊惱枝頭綠春去不須留擔他
一段愁

午日

絲絲斜裊金跳脫篆符戲縮同心結酌酒勸檀郎蒲花
襯口香 蘭湯初罷浴窗外調碓雒剛抹守宮斑明朝
點點殘 漢宮人午日以守宮封臂

夏閏二首

一階芳草茸茸綠亂飛
蛺蝶無人撲欲摘
小薔薇嫌他棘刺衣
晝長停繡譜私共雙鬟語
心怯越梅酸只將纖手搏

錦葵花底彈棋坐
一簾明月留人臥
粉汗濕紅襦倩郎
搖素紈雲鬟胡亂挽
羅帳金鈎捲
笑擲竹夫人無端面
面真

月夜

遠山新吐蛾眉月
半鈎飛入梧桐葉
剛得照粧臺
昵人脫燕釵
風吹裙帶急
花下凭肩立
細數舊時歡
低頭屈指尖

冬閨

翠鈿盡卸香雲綠
紅衫鬆扣纖纖玉
旖旎揭羅帷
移燈匿笑時
閉門霜月去
不減春宵味
爐火釀餘煙
氤氳初睡還

丁巳九月病中有感

八首

曲江芳草年年碧
郎君騎馬臙脂色
白首苦低垂
花間扶杖歸
逢場曾作戲
喬扮參軍勢
濃笑寫官銜
排行無二三

六宮鬧掃芙蓉鏡
君王偶愛飛蓬鬢
殿脚惜空同
昭陽

天幾重

揚帝呼吳絳仙爲啞
喇夫人言空同也

江南春雨晚紅豆
新歌滿

流落杜秋娘琵琶憶上皇

少年悔讀高唐賦片雲片雨無尋處欲買美人圖吳宮
香粉無 三山青鳥斷萼綠何時見夜夢是耶非玉釵
金縷衣

平生脫手千金劍衣鶉馬狗今誰盼負負復何言饑來
難叩門 白衣應送酒凝望終無有不見夜飛蟬山妻
劇可憐 杜甫令妻見友韋侍御以夜飛蟬贈之

關山戎馬驚鼙鼓軍書百道征徭苦風急雁哀呼荒田
寸草無 千家聞野哭鬼火逃亡屋歎息返柴廬當門
立吏胥

短衣疋馬盧龍道水霜千里催人老白髮影婆娑秋風
鬼病多 苦寒還苦熱飛夢驚明滅何物返覓丹空囊
無一錢

白雲冉冉蒼梧下曉猿夜鶴依茅舍此地豈蓬壺夢遊
疑有無 一生幾兩屐願作山中客只乏買山錢桃源
不在天

著書自苦徒爲爾千秋萬歲誰傳此前後兩茫茫三生
人斷腸 黃金空鑄錯彩線難縫絡何處度餘年除非
離恨天

阮生失路澆淚無端屈子問天寄愁何處水以不平

而激木因有鬱而奇情有所之理固然矣春友悔奄
文高於命宦薄於名艷曲三章欲醉沉香之酒奇才
兩字不分歸院之燈孤竹崖前空隨射虎百花洲上
徒共眠鷗劉公幹高臥清漳王仲宣哀吟荆楚爰以
沉鬱之意寫爲穠麗之音此病中八首所由作也夫
生而識字卽種愁根長解言文原非善氣惺惺自合
人奴咄咄何堪令僕吾儕若此復何怪耶子善吹簫
請命小紅而按節我爲拔劍聊浮太白以倚聲豐南

吳綺跋

揚州懷古 二首

阿慶曾夢江都好迷樓一炬空荒草何處教吹簫淒涼
廿四橋西風吹客舍落葉隋堤下誰唱望江南惟聞
昔昔鹽謂鹽商也

青樓小杜揚州夢紗燈萬點觥船弄書記縱才高憐才
思太牢途窮悲逆旅一飯今誰主翠袖薄寒時却吟
老杜詩

佳人集曲名

步搖顆顆珠環小裙拖滴滴金泥巧早起傍粧臺笑兜
紅繡鞋名香羅帶染碧玉鈎簾捲度曲喜雙聲呼郎
並合笙

秋思迴文 二首

冷霜凝月搖空影影空搖月凝霜冷花落晚窗紗紗窗
晚落花 斷腸人字雁雁字人腸斷啼夢曉風西西風
曉夢啼

一聲啼雁舖沙白白沙舖雁啼聲一孤枕夜涼初初涼
夜枕孤 搗砧和夢悄悄夢和砧搗愁客望高樓樓高
望客愁

巫山一段雲

賀侯大年新婚

鳳婿名蕭史珠娘號麗華春風初長合昏花門駐碧鈿

車 佳話玉如意新粧香辟邪紅窗蠟燭小侯家臂繫
漢宮紗

集美人名

紫玉雕歌扇紅綃織舞裙年華小小貌真真錦字寫雙
文 花藥當窗見蘭香隔座聞莫愁春信夜來分入夢
有朝雲

卜筮子

夜憶

秋雨急如箏彈破江南夢野外西風葉葉吹撼起棲鴉
動 夜永惜燈殘衾薄知寒重飛盡征鴻莫寄書曲

文君弄

文君弄琴曲

閨思

整日數歸期數了回頭數不信朝朝暮暮思曆本看掀
破 特地倚門粧依舊空牀臥多分宵來夢不應今夜
拚重做

憶別

憶別燕雙雙新燕添三五教妾空房羞獨眠打碎巢邊
土 莫更摘花來且自銜書去喚得蕭郎早早歸與汝
重修補

減字木蘭花

送春

重門深掩不道背人歸去遠倦燕嬌鶯啼出陽關第四
聲 含愁相問飄泊天涯何處定夢斷羅帷今夜明朝
睡起遲

春去

春乎欲去何以贈之雙淚雨回首東風一縷飄翫趕落
紅 綠兮滿樹花影半窗秋色暮人倚欄杆愁聽空梁
燕語寒

新竹

此君一个與我周旋林下坐新出三竿官樣青袍玉笋

班 蕭蕭風動驚破西堂春草夢舊籜還裁好放些兒
月影來

醜奴兒令

偶感

春來秋去何時了昨日陰山今日陽開白髮黃鷄彈指
間 只求夢裏流年好今夜邯鄲明夜巫山睡過三生
亦喜歡

柳含煙

楊柳

青青柳正藏鴉借問風吹多少霓裳一舞自堪誇舊楊

家明皇偶語飛燕避風事戲妃子曰爾則任吹多少可以妃微有肌也妃日霓裳羽衣一曲足掩前古

恨銷魂橋畔路送去征人無數却教闌夢變飛花向天涯

謁金門

愁

奈何許欲說近來愁緒愁到依然無一語羅衫幾點雨
舊事子規催去新恨鷓鴣留住夢逐東風無歇處飄
零隨柳絮

寒夜

人寂寂一派暮愁天色風剪輕寒落漸側紙窗吹半黑

正對孤燈蕭瑟又聽孤鴻嘹唳庭外黃花清露滴淚
痕依樣濕

代和韋莊

有序

雜紀云韋莊有寵人資質艷麗兼善詞翰蜀王建聞
之託以教內人爲辭奪去莊追念悒悒作謁金門詞
云空相憶無計得傳消息天上姮娥人不識寄書何
處覓新睡覺來無力不忍把伊書跡滿院落花春寂
寂斷腸芳草碧姬聞此詞遂不食而卒子惜其未有
和篇因擬爲之

休相憶紅葉不傳消息燕鎖雕梁路未識舊巢難再覓

風捲楊花無力浪打萍花無跡永巷夜臺同寂寂土
花凝血碧

題龔靜照鵲紅稿

鵲紅稿靜照恰同清照最是銷魂新句好迴身將夢抱
叵耐氤氳顛倒衫鳳教隨烏鳥曉鏡画眉添懊惱紅
顏祈速老

憶秦娥

感春

春來矣春風細剪春林綺春林綺夢隨春住情隨春使
春粧含笑春衫淚春光活潑春心死春心死一番春

恨一番春喜

更漏子

獨夜

五更風三點雨并作零鐘斷鼓殘葉影落花魂淒淒來
叩門 天涯雁飛聲亂叫出傷心一片倚半枕擁孤衾
相思睡不成

有懷

春風香秋月弄斷送十年殘夢如意曲定情詩相思不
自持 巫山高湘水遠惆悵彩鸞綠淺霍小玉董雙成
他生定遇卿

百末詞 卷二

長洲尤 侗

清平樂

梅藥

煙姿玉骨淡淡東風色勾引春光一半出猶帶幾分羞
澁隴頭倚雪眠霜寒肌密抱疎香待得羅浮夢破美
人打點新粧

蘆花

秋風澤畔小草霜華染比似楊花吹不斷却破雁銜天
半月明野渡蒼茫伴他楓葉吳江堪笑白頭老子夜

寒尚倚紅粧

春閨

柳粧草草怕說春光好
幾日傷春吟未了一幅烏絲
稿
書長午夢初醒碧桃花下
微行閒喚侍兒消遣小
樓偷放風箏

阮郎歸

旅思

他鄉無處不淒其
晚春人易悲
楊花飄泊水黏啼
高樓憶別離
宿酒醒
篆煙微
愁來眉漸低
滿簾風雨斷腸時
聲土留吹

喜遷鶯令

賀李丹壑秋捷時年十六歲

唐學士李青蓮公子更翩翩荷衣總角賦高軒名字報
紅箋曲江宴櫻桃畔爭看紫駟白面嫦娥應遣小嬋
媚花插帽簷邊

海棠春

晚粧和阮亭韻

更衣斗帳流蘇響拂舞鏡垂垂絲網一片美人雲弄影
秋波漾小鬟帶襯新興樣梳掠罷口脂相賞飛鬢惱
春風莫放罽毼影

午睡和韻

氤氳繡幙香生足
欹山枕弓腰低曲
一搦藕肢柔剛貼
芙蓉褥
夢中輔體靡紅肉
驀驚起墜釵寒玉
笑看抱
誰眠却是夫人竹

晚浴和韻

画簾雙燕爭花影
睡未足海棠驚醒玉骨六銖輕
心怯
溫泉冷
起來弄色芙蓉鏡
分外好髻鬆鬟整
無力倚
薰籠呼點龍團餅

夜坐和韻

井梧葉落聲如雨
又風送小樓枯柝
淡月隱屏山花底

聞私語一空牀好夢拋人去厮守盡更更鼓不見謝
郎歸燭影搖松塵

爲吳蘭次壽馬少君

長沙星畔扶風馬

姪長沙人

看綠鬢白眉相亞月裏嫁吳剛

桂殿鴛鴦瓦

嬌兒玉雪粧臺下自句讀焉哉乎也生

日在幽風君子歌需推

七月誕辰

攤破浣溪紗

春闈

愁倚東風唱踏莎画屏十二自騰那央及斑鳩天外去
喚哥哥無限翠顰低遠岫幾番紅淚上橫波却與落

花千萬點一般多

卽事

燕子樓中燕子飛
鷓鴣屏外鷓鴣啼
笑看蕭郎盤細馬
画橋西
鷺管笙囊調艷曲
鳳花簫局試香衣
怪底游人爭指道
使君妻

眼兒嬌

回貧

水晶簾下看梳頭
宛轉小眉修
自然宮樣遠
山欲笑
新月如鈎
絲仙何用供螺黛
淡掃恰風流
張郎多事橫
添一筆帶出閒愁

三字令

雁字

紫塞雁望南飛寫烏絲一畫破八分齊鶴衙書鸞換帖
不如伊 征戍客寄信思却無題蕩子婦夜眠遲鶯回
頭髮鬢見那人兒 雁字爲人

少年遊

離情

長亭回首暮雲遮今夜宿誰家馬上曉風渡頭殘月催
送到天涯 小窗不面鬢兒斜鎮日肯菱花記得當時
手斟盃酒閣淚撥琵琶

西江月

桂花

金母團成金粟天妃散亂天花王孫山裏大排衙不許
關稱王者分付吳剛休斫偷香有个蝦蟆此身已坐
廣寒家仰叫素娥飛下

新嫁娘

月下雲翹卸早燈前羅帳眠遲今宵猶是女孩兒明日
居然娘子小婢偷翻翠被新郎初試蛾眉最憐粧罷
見人時盡道一聲恭喜

春恨

燕子不歸繡戶回簾空鎖斜陽春風吹夢到池塘芳草
對人惆悵楊柳挂愁百尺杜鵑啼淚千行晚來特地
倚紗窗爲問落花無恙

自警

意氣紛紛同蟻功名戀戀游蜂道人打徹五更鐘驚醒
十年噩夢心事半銷秋雨鬢絲難繫春風今來古往
夕陽紅牛背笛聲三弄

梅村作物幻八詩頗極巧妙予謂其題近於詞爲
小調足之

蘭虎

五道蠶叢初闢三盆虎圈俄修采桑秦女自風流翻學
下車馮婦浴罷恰如得子纒成便可封侯綵絲束縛
挂釵頭傍向盤龍欲鬪

茄牛

小菜放於牧野太牢起自田家樊遲老圃大開衙演
出伯牛司馬入甕莫愁敲棘着鞭却喜丫叉兒童牽線
笑啞譁唱道夕陽來下

鴛鶴

聞說枯魚欲泣何爲化鶴來歸覓寰玉佩自清輝入肆
終漸形穢 北海已成速朽南山幾見高飛

是耶非小作逍遙遊戲

蟬猴

齊女一朝怨死王孫再世嬉游二聲哀叫斷腸秋却恨
當年無口跳擲不憂螳臂沸爽早兆羊頭從來蟬冕
拜通侯問是沐猴冠否

蘆筆

書帶草生筆冢墨池人在蘆中曰頭翁變黑頭公夜夜
飛花入夢晝荻教成孺子編浦學近儒宗雁行銜去
向江東寫出錦書珍重

橘燈

金顆千頭火樹玉荷四照霜花書生懷袖向窗紗長伴
紅衣不夜 心事任教分割風光尚費周遮美人對影
暗嗟呀決意爲郎吹罷

桃核船

種自玄都道士載從渡口漁翁小兒偷出碧雲宮頃刻
帆檣飛動 蘆葦似來江上竹枝疑汎圖中桃根桃葉
棹歌同兩槩春風吹送

蓮蓬人

妾比芙蓉解語卽如碧藕多思個人憔悴倒懸時知道
無心憐子 空洞此中無物懶強猶昔孤支亂頭粗服

貌如斯未必六郎相似

南柯子

懶懶和卿謀韻

侍女休催繡才郎莫画眉春來常倩夢追隨只爲羅衣
不耐曉風吹垂手嫌紅袖凭肩戀錦帷生憎花影學
人窺央得鸚哥傳語却忘誰

旅中苦雨

土雨埋荒草金風剪敗荷行人滑滑奈泥何不道夢魂
夜夜渡滹沱遣興搜書裏關愁伴枕窩孤衾早怯曉
寒多試問江南小閣尚輕羅

醉花陰

閨病

海棠夜向西風哭，瘦損枝頭玉。秋雨冷啼粧，半枕紅痕，淚染羅裙綠。
藥煙細裊湘簾曲，鏡掩芙蓉褥。閒煞画
眉人，懊惱文君，倒犯相如獄。

寒食

春光百五，暉依舊，細雨宵來湊。未到落紅時，默默東風，已向桃花呪。
江城客舍孤單候，白日清寒透。天意也銷魂，捲盡疎煙，禁得垂楊瘦。

雙週望江南

西山燒香曲 二首

清早起天色趁新晴飛鬢斜拖雙燕翠回衣薄襯小鴉
青素裹玉丁丁 迴鏡照時樣稱人情多分拚教游子
看私先央及侍兒評公論是輕盈

呼女伴好趁一春閒紅板浪船行緩緩白藤山橋坐端
端低扇避人看 拜佛罷本意不相關戲買粉孩敲木
棒強分葉子賭金環圖得大家頑

杏花天

旅思

消磨白日渾無計算只有短眠長睡歸夢做來千萬次

紙上重重牢記 相思樣乎都相類換不出思鄉新意
懸知闌夢多佳事得个書見題寄

浪淘沙

樓上愁和卿謀韻二首

贏得許多愁歲月悠悠秋風秋雨冷雙眸欲贈湘君擘
杜若難問芳洲 長嘯倚南樓霜鬢颯颯欄杆拍遍把
吳鈞惆悵歸來無个事又上燈篝

回首仲宣樓浩浩江流楚雲湘雨幾家收函角西風聲
一片烽火神州 准擬洗新愁一葉扁舟珠簾捲盡雁
行秋無賴夢魂飛不定何處相留

咏昭君套

一握小丁貂豔色茸毛金璫滿座總粗豪粧向美人頭
上去別樣妖燒 雙尾鬢雲交秀映眉梢若教上馬更
多嬌從此香閨添小字喚作昭昭 貂出丁零國

感舊

故舊半周殘滿目青山姓名恍惚古人看追憶平生都
似夢今日竟還 老去鬢毛斑努力加餐百年應作六
如觀世事浮雲君莫管還我漁竿

題劉六肯桃源圖

紅樹滿青山澗水潺潺煙霞無恙洞門關前度劉郎今

又至綠鬢微斑 花下倚雙鬢一笑追歡胡麻屑飯勸
加餐莫學淮南天上去鷄犬雲間

鷓鴣天

和葉小鸞夢中作

口詠金經手採香自言自笑自相忘雲游瑤碧三山遠
舟戲珊瑚一水長 花架樹樹迴廊閒持藜杖逐流光
何人松下敲棋坐子落丁丁猶費忙

題吳冰仙画

拂水佳人墮馬粧春來鬢燥滿橫塘繡襦甲帳無消息
暮雨瀟瀟空斷腸 筆翡翠硯鴛鴦吳綾三尺寫紅窗

青山碧水無人處，亂點桃花賺阮郎。
鷓鴣中帳吳彩鸞
亭暮雨滿灘郎不歸吳娘詩也

河傳

戲擬閩中十二月樂詞

正月 第一體

新年吉利華勝粧，欵宜春貼字檀郎。把酒屠蘇索醉道，
兄家得歲。鬧蛾滿路，鰲山會猜燈謎，輸了鴛鴦翠却。
拉鄰家姊妹紫姑相伴戲。

二月 第二體

春半社來飛燕麗，日花朝西裙撲蝶過。紅橋垂腰折柳。

條漢宮寒食新傳火貽雕卵耍笑郎家果牆頭馬上
看秋千喧闐爭分自打錢

三月 第三體

春午紅雨前裙曲水采蘭江渚萬花與百子穠伴倡踏
青芳草舞拾來鬪合鴛鴦譜瑤瑗賭贏取同心縷
還家倚碧紗周遮金鈴偷護花

四月 第四體

紅英已謝綠枝方亞拂拂薰風一番穀雨曉來香透簾
櫳鼠姑紅羅敷日日條桑下繰絲罷梅潤羅裙袂小
窗閒處提壺自試新茶換輕紗

五月 第五什

佳辰重午釵懸艾虎臂纏綵縷龍舟兩兩競渡回鼓騰
弓射角黍 蘭湯浴罷蒲鷁洗紅生面窈窕搖葵扇凭
欄杆蹕髻鬢鬢蘭珊乞郎半夏丸

六月 第六體

玉骨冰肌天然無汗紉素風來鬢華香散小池邊櫂船
歌採蓮 晝長獨抱青奴臥桐陰破枕畔金釵墮起看
明月上紗窗蕭郎桃笙今夜涼

七月 第七體

高樓乞巧綵花飛起雲霞繚繞金鈿七孔試穿針裊裊

穿出雙頭巧 戲呼烏鵲填河去
凌波步便喚郎來渡
渡來時赴佳期水嬉銀盆弄化兒

八月 第八體

瓊樓玉宇紫雲霓羽廣寒何處有人間
月府白衣歌舞
是嫦娥小女 月圓正值人圓夜
簫樓下彩鳳應同跨
汎金卮彈錦絲紅兒爲郎折桂枝

九月 第九體

重九酌酒茱萸遍插頻開笑口小樓簾卷也登高相邀
同餐小鹿糕 自憐人比黃花瘦垂羅袖瑞腦薰金獸
背采憲步庭墀秋思題詩梧葉兒

十月 第十體

春小煖早鸚哥報道海棠開了
粧臺乍曉雲鬢新添
草画衣飛翠鳥 瑣窗容易斜陽下
香奩卸無計消長
夜剪金鳧倒玉壺
胡盧偷窺秘戲圖

十一月 第十一體

冬至亞歲日初長
八尺花間細量
新添官線繡鴛鴦
尊章漿將履襪雙
六出花飛風絮起
甕爐底瑞炭煎沉
水飲羊羔彈鳳槽
蠻腰何妨夜夜嬌

十二月 第十二體

歲暮臘鼓懸螺画
虎爆竹爭喧
藏鈎戲賭女伴
餽節如

何口脂翠管多 黃金瀉水成雙鳳
梅妃弄擬獻椒花 頌向圍爐勸酒
妾意與郎同火兒紅

旅思 第十辭

川犬屢眼淒淒孤館悠悠日晚醒來誰伴
祇剩殘書敗卷畫長嫌夢短 天涯悵望雲中樹
江南路點點疎星 此何不歸何日歸
相催春風叫子規

鵲橋仙

七夕

玉鈎回燭金風簫鼓迎送鵲橋雲雨
鴛鴦債欠許多時 著意在今宵
暗補才郎乞巧佳人穿縷纒絕不知甘

苦夜深宛頸睡雙濃那聽得人間私語

佳人

月眉星眼煙鬢霧髻渾是一天粧束九雲帶雨更風流
甘折却人間庸福 鶯鶯燕燕紅紅翠翠刪盡侍兒名
錄鴛鴦譜樣總平常新翻出憐歡題目

落花

乍晴乍雨乍寒乍暖做作幾般天氣個人猶自不禁持
何計教花覓迴避 正青芳草未衰楊柳只短天桃年
紀落紅萬點總無情賺多少春閨清淚

桃名短命花

南鄉子

春愁

紅雨曉闌珊，寂寞梨花淚未乾。
飛絮滿庭人倦起，偷憐盡日鶻哥話夜寒。
巫峽夢雲單，悵春光一半殘。
索姓閉門推却去，孤眠獨讓東風自倚欄。

病集藥名

弱骨怯天冬，滿地黃花憔悴同。
雲母屏邊休佇立，防風烏頭却似白頭翁。
自笑寄生窮，愁脉難將草木通。
泉石膏肓甘遂老，從容領取雲山藥餌功。

閨中除夕

榾柮煖爐煙，笑勸臯蘇稱合歡。
自燕沉檀供繡佛，低言

願羨紅顏勝舊年
隔夜整釵鈿守着梅花不去眠
更有一椿那識取團圓
頭乞明朝拜節錢

閩中元旦

燈下了粧奩
玳瑁堂前春色添
萬福蹄來無一事
愁愁自揭薰籠換繡衫
迎喜出門檐
笑看家家下竹簾
瓜子滿階人莫掃
纖纖曾帶脂香唾
舌尖

弔鄒氏廢園

華屋委荒丘
蕭瑟西風十二樓
留下空梁巢燕子
啾啾夢憶珠簾碧玉鈎
歌舞彩雲流
野草斜陽伴客愁
惟有青山依舊在
悠悠看盡紅顏又白頭

園有十二樓
蒼貯姬妾處也

席上戲贈女伶文玉

珠箔舞蠻靴淺立，氍毹宛轉歌。忽換猩袍紅燭，艷照科

錦繡將軍小黛蛾。

時粧淮陰侯故事

鬢髮尚盤螺，一瓣絲鞭燕

尾拖爲待情人親解取，誰何春草江南細馬馱。

晉女未字者鬢

後垂辨解，辨則破瓜矣。

虞美人

憐病

病魔纔別書帷去，又借香奩住。慙慙瘦骨怯春紗，猶向

藥煙影裏問殘花。

曉來強起粧臺立，攬鏡愁眉窄。侍

兒且罷，猓雲鬢恐怕春風多，厲不勝寒。

虞美人花

重華昔向蒼梧死羽亦重瞳子至今舞草號虞兮可憐
黃陵斑竹泣湘妃 君王莫恨江東小煖日花光好開
時常對杜鵑紅一樣暗傷亡國月明中

石榴花

李家妹子陶家姊甘逐封姨死石家房老剩翻風好把
小名醋醋換紅紅 艷粧底事心如火生日逢重午蕭
郎笑插玉人頭問道留儂儂去若爲留

思歸

宜街聽徹三更鼓縮脚寒衾苦無眠終夜眼常開那得

巫山湘水夢寬來 隔江望斷家鄉路
小雪冬垂暮扁舟歸去未嫌遲
正是紙窗爐火芋香時

玉樓春

為黃大宗悼亡郭少君 二首

柔腸最怕傷心賦 聽說埋香淚便墮紅顏慣是誤青春
斷送桃花一夜雨 飛瓊擣玉瑤臺路應駕鈿車游戲
去可堪拋向玉鉤斜 夢散彩雲無覓處

落花急似三更漏 弱質盈盈纔十九 杜鵑哭殺少年墳
小字彫碑碧血漣 蕭郎夢斷薜蘿後 寶鏡鴛鴦難再
偶可憐薄命玉容人 值得輓歌三十首

太宗有悼亡三十首

梅花引

曉行

曉星稀曉風低曉月如霜冷射衣曉鷄啼曉鷄啼啼上
征鞍朦朧古道西水聲嗚咽行人淚雁聲嘹唳歸人
字影淒其影淒其班馬頻嘶前村望酒旗

踏莎行

閨怨

獨上耕樓青山如昨眉彩筆春來闌休彈紅雨濕花
梢淚珠自向心頭落可恨東風年年輕薄天涯不管
人飄泊漫將薄倖比楊花楊花猶解穿羅幕

題周寶鐙坐月浣花圖 二首

坐月青蓮浣花工部閨房之秀兼佳趣燃脂寫出麗人
行風鬟雨髻姍姍步 碧杜紅蘭明珠翠羽葯房移傍
湘君住可憐蕩子不歸家長吟蕩婦秋思賦

葯房夫以齊名李雲

旧白號老蕩子

放誕文君風流樊素帶人更在倉庚如武昌新柳自青

青生憎隔岸晴川樹

夫人在武昌大婦在漢陽

歡暈紅凝愁眉綠聚

幽情難向狂夫訴莫攜此卷涉江來津頭有个典風雨

客店

殘月在林晨鐘動野行人慣聽烏啼夜一鞭古道又斜

陽村田看盡羊牛下 草席泥牀瓦盆茅舍東餐西宿
何時罷孤燈半枕夢江南隔簾驚起蕭蕭馬

小重山

金陵懷古

依舊青山繞建康南朝佳麗地草茫茫景陽脂井冷銀
牀秦淮月猶照故宮牆 弔古石頭岡大江流日夜幾
興亡鷄籠鼠雀滿祠堂君莫問策蹇下斜陽

維揚旅思

錦纜牙檣金犢車竹西歌吹地鬪繁華閒來獨弔玉鈎
斜隋宮女爲我訴琵琶 客夢繞天涯江山雖窈窕不

如家二分明月廣陵花一分月還照小窗紗